


BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-04-263/25-AP-4
Datum: 03.02.2025. godine

GRADSKO VIJEĆE ZAVIDOVIĆI
n/r PREDSDJEDAVAJUĆA GRADSKOG VIJEĆA
Hadžić dr Amira, spec. radiolog

PREDMET: Prijedlog Odluke izmjeni i dopuni Odluke o usklađivanju statusa
Javnog komunalnog preduzeća „Radnik“ d.o.o. Zavidovići sa Zakonom
o privrednim društvima i Zakonom o javnim preduzećima, dostavlja se

U prilogu akta dostavljam Vam Prijedlog Odluke izmjeni i dopuni Odluke o usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o privrednim društvima i Zakonom o javnim preduzećima.

Prijedlog Odluke izmjeni i dopuni Odluke o usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o privrednim društvima i Zakonom o javnim preduzećima sa obrazloženjem i zaključkom gradonačelnice, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

Obzirom da se ne radi o obimnoj i složenoj Odluci predlažem da Gradsko vijeće Zavidovići Prijedlog Odluke razmatra po skraćenom postupku bez Nacrta u skladu sa članom 130. stav (1) Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/2022 i 1/2023).


S poštovanjem

Dostavljeno:

1. Naslovu,
2. U spis.

Akt pripremila: F.M.
(Fatima Merdanović)

Akt pregledao: N.Č.
(Nermin Čahtarević)



GRADONAČELNICA

mr. iur. Erna Merdić Smailhodžić



Broj: 02-04-263/25-AP-2
Datum: 03.02.2025. godine

Na osnovu člana 3. Zakona o javnim preduzećima („Službene novine FBiH“, broj: 8/05, 81/08, 22/09 i 109/12), člana 304. Zakona o privrednim društvima („Službene novine Federacije Bosne i Hercegovine“, broj: 81/15), člana 9. Zakona o komunalnim djelatnostima („Službene novine Zeničko-dobojskog kantona“, broj: 17/08), člana 25. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019) i člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22, Gradsko vijeće Zavidovići na __. sjednici od __. __. 2025. godine, donijelo je

ODLUKU

o izmjeni i dopuni Odluke o usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o privrednim društvima i Zakonom o javnim preduzećima

Član 1.

U Odluci o usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o privrednim društvima i Zakonom o javnim preduzećima („Službeni glasnik Općine Zavidovići“, broj: 6/2006, 10/2006, 5/2009, 5/2011, 5/2014 i 12/2019), u cijelom tekstu riječ „općine“ mijenja se sa riječi „grada“, riječ „općinskog“, mijenja se sa riječi „gradskog“, a riječi „Općinski načelnik“, mijenjaju se sa riječi „Gradonačelnik“, u odgovarajućem padežu.

Član 2.

U Odluci o usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o privrednim društvima i Zakonom o javnim preduzećima („Službeni glasnik Općine Zavidovići“, broj: 6/2006, 10/2006, 5/2009, 5/2011, 5/2014 i 12/2019), u članu 5. stav (1) iza riječi „Pogrebne i srodne djelatnosti“ dodaju se brojevi i riječi: “52.21 – Uslužne djelatnosti u vezi sa kopnenim prijevozom“.

Član 3.

JKP „Radnik“ d.o.o. Zavidovići je obavezno uskladiti svoje akte sa odredbama ove Odluke.

Član 4.

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“.

PREDSJEDAVAJUĆA
GRADSKOG VIJEĆA

Hadžić dr Amira, spec. radiolog

O B R A Z L O Ź E N J E

PRAVNI OSNOV ZA DONOŠENJE ODLUKE

U članu 3. Zakona o javnim preduzećima („Službene novine FBiH“, broj: 8/05, 81/08, 22/09 i 109/12) propisano je: „Javna preduzeća iz člana 2. ovog Zakona mogu se organizirati u obliku dioničkog društva ili društva sa ograničenom odgovornošću“.

U članu 304. Zakona o privrednim društvima („Službene novine Federacije Bosne i Hercegovine“, broj: 81/15) propisano je: „

- (1) Društvo sa ograničenom odgovornošću osniva se ugovorom u pisanoj formi koji zaključuju osnivači, čiji potpisi se ovjeravaju u skladu sa zakonom.
- (2) Kada društvo sa ograničenom odgovornošću osniva samo jedan osnivač, osnivački akt je odluka o osnivanju“.

U članu 9. Zakona o komunalnim djelatnostima („Službene novine Zeničko-dobojskog kantona“, broj: 17/08) propisano je: „Općina obavljanje pojedinih komunalnih djelatnosti koje se finansiraju iz njenog budžeta obavezno povjerava javnim preduzećima komunalnih djelatnosti, koje je odlukama općinskog vijeća formirala za obavljanje tih komunalnih djelatnosti“.

RAZLOZI DONOŠENJA ODLUKE

Na 24. sjednici Gradskog vijeća, koja je održana dana 29.04.2024. godine, vijećnik Hasib Huskić u ime Kluba vijećnika SDA Zavidovići podnio je inicijativu za dopunu Odluke o usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o privrednim društvima i Zakonom o javnim preduzećima. Predmetnom inicijativom traženo je da se djelatnost Javnog komunalnog preduzeća „Radnik“ d.o.o. Zavidovići proširi na pružanje usluga i održavanje javnih parkirališta uz naplatu, kako bi se navedena sredstva usmjerila za pokriće gubitaka u poslovanju Javnog komunalnog preduzeća „Radnik“ d.o.o. Zavidovići. Radi navedenog predlažem donošenje ove Odluke.

Smatram da predmetna Odluka nije obimna i složena stoga predlažem da Gradsko vijeće Zavidovići Prijedlog Odluke razmatra po skraćenom postupku bez Nacrta u skladu sa članom 130. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).

POJAŠNJENJE PRAVNIH RJEŠENJA

U članu 5. stav (1) Odluke o usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o privrednim društvima i Zakonom o javnim preduzećima dodana je još jedna šifra djelatnosti i to 52.21 – Uslužne djelatnosti u vezi sa kopnenim prijevozom.

Prema Odluci o klasifikaciji djelatnosti BiH 2010 („Službeni glasnik BiH“, broj: 47/10) navedena šifra djelatnosti između ostalih djelatnosti uključuje uslužne djelatnosti u vezi sa cestama, mostovima, tunelima, parkiralištima ili javnim garažama, parkiralištima za bicikle, objektima za čuvanje kamp kućica zimi.

ODREDBE ODLUKE KOJE SE MIJENJAJU

Član 5.

Preduzeće obavlja djelatnosti, usklađene sa Standardnom klasifikacijom djelatnosti, kako slijedi:

- 01.30 – Uzgoj sadnog materijala i ukrasnog bilja,
- 08.12 – Djelatnost kopova šljunka i pijeska; vađenje gline i kaolina,
- 23.61 – Proizvodnja proizvoda od betona za građevinarstvo,
- 23.69 – Proizvodnja ostalih proizvoda od betona, cementa i gipsa,
- 35.11 – Proizvodnja električne energije,
- 35.12 – Prenos električne energije
- 35.13 – Distribucija električne energije,
- 35.30 – Proizvodnja i snabdijevanje parom i klimatizacija,
- 36.00 – Sakupljanje, pročišćavanje i snabdijevanje vodom,
- 37.00 – Uklanjanje otpadnih voda,
- 38.11 – Sakupljanje neopasnog otpada,
- 38.12 – Sakupljanje opasnog otpada,
- 38.21 – Obrada i zbrinjavanje neopasnog otpada,
- 38.22 – Obrada i zbrinjavanje opasnog otpada,
- 38.32 – Reciklaža posebno izdvojenih materijala,
- 39.00 – Djelatnosti sanacije okoliša te ostale usluge upravljanja otpadom,
- 42.11 – Gradnja cesta i autocesta,
- 42.12 – Gradnja željezničkih pruga i podzemnih željeznica,
- 42.13 – Gradnja mostova i tunela,
- 42.21 – Gradnja cjevovoda za tečnosti i plinove,
- 42.22 – Gradnja vodova za električnu struju i telekomunikacije,
- 43.29 – Ostali građevinski instalacijski radovi,
- 43.11 – Uklanjanje građevina,
- 43.12 – Pripremni radovi na gradilištu,
- 43.22 – Uvođenje instalacija vodovoda, kanalizacije i plina i instalacija za grijanje i klimatizaciju,
- 43.31 – Fasadni i štukatorski radovi,
- 43.32 – Ugradnja stolarije,
- 43.33 – Postavljanje podnih i zidnih obloga,
- 43.34 – Bojenje i staklarski radovi,
- 43.39 – Ostali završni građevinski radovi,
- 43.91 – Podizanje krovnih konstrukcija i pokrivanje krovova,
- 43.99 – Ostale specijalizirane građevinske djelatnosti, d.n.,
- 45.20 – Održavanje i popravak motornih vozila,
- 46.11 – Posredovanje u trgovini poljoprivrednim sirovinama, živim životinjama, tekstilnim sirovinama i poluproizvodima,
- 46.22 – Trgovina na veliko cvijećem i sadnicama,
- 46.77 – Trgovina na veliko ostacima i otpacima,
- 47.76 – Trgovina na malo cvijećem, sadnicama, sjemenjem, gnojivom, kućnim ljubimcima i hranom za kućne ljubimce u specijaliziranim prodavnicama,
- 47.81 – Trgovina na malo na štandovima i tržnicama,
- 47.89 – Trgovina na malo ostalom robom na štandovima i tržnicama,
- 49.41 – Cestovni prevoz robe,
- 49.42 – Usluge preseljenja,

- 49.50 – Cjevovodni transport,
- 68.32 – Upravljanje nekretninama uz naknadu ili na osnovu ugovora,
- 71.11 – Arhitektonske djelatnosti,
- 71.12 – Inženjerske djelatnosti i s njima povezano tehničko savjetovanje,
- 71.20 – Tehničko ispitivanje i analiza,
- 80.20 – Usluge zaštite uz pomoć sigurnosnih sistema,
- 81.10 – Pomoćne djelatnosti upravljanja zgradama,
- 81.21 – Osnovno čišćenje zgrada,
- 81.22 – Ostale djelatnosti čišćenja zgrada i objekata,
- 81.29 – Ostale djelatnosti čišćenja,
- 81.30 – Uslužne djelatnosti uređenja i održavanja zelenih površina,
- 96.03 – Pogrebne i srodne djelatnosti.


FINANSIJSKA SREDSTVA POTREBNA ZA PROVOĐENJE ODLUKE

Za provođenje ove Odluke potrebno je planirati finansijska sredstva u Budžetu Grada Zavidovići za troškove notarske obrade ove Odluke u iznosu od oko 200,00 KM.

Akt pripremila: Adisa Pašić
(Adisa Pašić)

Akt pregledao: Izet Bašić
(Izet Bašić)

Akt pregledao: Nermin Čahtarević
(Nermin Čahtarević)



GRADONAČELNICA

mr. iur. Erna Merdić Smailhodžić



Broj: 02-04-263/25-AP-3
Datum: 03.02.2025. godine

Na osnovu člana 11. Poslovnika o radu Kolegija Općinskog načelnika („Službeni glasnik Općine Zavidovići“, broj: 1/2017), Kolegij Gradonačelnice Zavidovići na 4. sjednici održanoj 03.02.2025. godine razmatrao je Prijedlog Odluke izmjeni i dopuni Odluke o usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o privrednim društvima i Zakonom o javnim preduzećima, te nakon rasprave Gradonačelnica donosi

ZAKLJUČAK

1. Utvrđuje se Prijedlog Odluke izmjeni i dopuni Odluke o usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o privrednim društvima i Zakonom o javnim preduzećima, koji je pripremila Služba za upravu poljoprivrede, vodoprivrede i komunalnih poslova.
2. Prijedlog Odluke izmjeni i dopuni Odluke o usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o privrednim društvima i Zakonom o javnim preduzećima sa obrazloženjem dostavlja se Gradskom vijeću Zavidovići na razmatranje.
3. O realizaciji ovog Zaključka starat će se Stručna služba gradonačelnika.

Dostavljeno:

1. Gradsko vijeće Zavidovići,
2. U spis.

Akt pripremila:

F.M.

(Fatima Merdanović)

Akt pregledao:

N. Čahtarević

(Nermin Čahtarević)



GRADONAČELNICA

mr. iur. Erna Merdić Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Služba za upravu poljoprivrede,
vodoprivrede i komunalnih poslova
Broj: 08-04-253/25-AP-2
Datum: 29.01.2025. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	30-01-2025		
Org. jed.	Kl. ozna.	Red. broj	Br. priloga
02	04	263/25	

GRADONAČELNICA
- O v d j e -

PREDMET: Prijedlog Odluke o izmjeni i dopuni Odluke o usklađivanju statusa
Javnog komunalnog preduzeća „Radnik“ d.o.o. Zavidovići sa Zakonom o
privrednim društvima i Zakonom o javnim preduzećima, dostavlja se

U prilogu akta dostavljam Vam Prijedlog Odluke o izmjeni i dopuni Odluke o
usklađivanju statusa Javnog komunalnog preduzeća „Radnik“ d.o.o. Zavidovići sa Zakonom o
privrednim društvima i Zakonom o javnim preduzećima, radi upućivanja u daljnju proceduru.

Dostavljeno:
1. Naslovu,
2. U spis.



POMOĆNIK GRADONAČELNIKA
Basle Izet dipl.ing.agr.

Akt pripremila: Adisa Pašić